

आकाशवाणी

खबरां श्रुति खजुरिया कोला

- प्रधानमंत्री नरेंद्र मोदी होरें आखेआ जे मंदर पिछली केई सदिएं च सोमनाथ मंदर पर होए दे हमले दे बावजूद मंदर भारती सम्भयता दी आत्मा दी जीवंत मसाल दे तोर पर शानै नै खड़ोते दा ऐ।
- सुप्रीम कोर्ट नै बरे 2020 आहले दिल्ली दंगें दी साजिश आहले मामले च उमर खालिद ते शरजील इमाम दी जमानत याचिका खारिज करी दिती ऐ।
- रक्षा मंत्री राजनाथ सिंह होरें भारत च तयार ते डिजाइन कीते गेदे नियंत्रण पोत समुंद्र प्रताप दी शुरूआत कीती।
- Electronics ते सूचना टेकनालजी सरबन्धी मंत्री अश्विनी वैशणव होरें आखेआ जे पिछले 11 बरें च मुख्य च इलेक्ट्रानिक्स उत्पादन 6 गुणा ते निर्यात 8 गुणा बदेआ ऐ।
- दिल्ली हाई कोर्ट नै आर.जे.डी नेता लालू प्रसाद यादव हुंदी याचिका पर सी.बी.आई थवां जवाब मंगेआ ऐ।



PM Sonmath temple

प्रधानमंत्री नरेंद्र मोदी होरें आखेआ जे पिछली केई सदिएं च सोमनाथ मंदर च होए दे हमले दे बावजूद मंदर भारती सभ्यता दी आत्मा दी जीवंत मसाल दे तौर पर शानै नै खड़ोते दा ऐ। मोदी होरें आखेआ जे बरा इस करी महत्वपूर्ण ऐ कीजे अज्जै थमां इक जहार बरे पैहले विदेशी हमलावरें सोमनाथ मंदर पर पैहला हमला कीता गेआ हा। प्रधानमंत्री होरें आखेआ जे सोमनाथ शब्द सुनदे गै देशवासिं दे मनै च इक बक्खरा ते अद्भुत साहस ते मान आहली भावना औंदी ऐ। उनें आखेआ जे मुख्य दी शाश्वत परम्परा दा प्रतीक सोमनाथ मंदर गुजरात राज्य दे पच्छमी तटीय इलाके च स्थित

ऐ। प्रधानमंत्री होरें आखेआ जे सोमनाथ मंदर दी कहानी छड़ी इक कथा नेई ऐ, सगुआं एहू भारत माता दी अनगिनत संतानें दे अटूट साहस दा प्रतीक ऐ जिन्नै मुल्ख दी सभ्यता ते संस्कृति दी राखी कीती। प्रधानमंत्री होरें चेता दोआया जे बरे 1026 च सभ्यता ते विश्वास दे दृढ प्रतीक सोमनाथ मंदर पर महमूद गजनी नै पैहली बारी हमला कीता। मोदी होरें आखेआ जे ज्हारां बरे मगरा अज्ज बी एहू मंदर शानै नै खड़ोते दा ऐ। उनें आखेआ जे मई 1951 च उसलै दे राष्ट्रपति राजेंद्र प्रसाद हुंदी मौजूदगी च मंदर इक बारी परतिए खुल्लेआ। उनें आखेआ जे आजादी मगरा सोमनाथ दे परतिए निर्माण दी जिम्मेदारी सरदार वल्लभ भाई पटेल होरेंगी सौंपी गेई ही। उनें चेता दोआया जे बरे 1947 च देआली दरान पटेल होरें सोमनाथ मंदर दी यात्रा कीती ते ओहू बड़े मते प्रभावित होए हे जिस करी उनें इस थाह पर मंदर दे परतिए निर्माण दा फैसला लैता। मोदी होरें दस्सेआ जे जे उसलै दे प्रधानमंत्री जवाहर लाल नेहरू होर एहूदे पक्ख च नेई हे ते ओहू नेई चाहंदे हे जे शीर्ष संवैधानिक विकाय एहूदे कन्नै जुडे प्रधानमंत्री होरें आखेआ जे दुनिया भारत गी आसें मेदें कन्नै ते सकारात्मकता आहली नजरी कन्नै दिक्खा करदी ऐ। उनें आखेआ जे भारत दी कला, संस्कृति, संगीत ते केई त्यौहार वैश्विक सतह पर पंछान बना रदे ना।

<><><><><><>

PM Somnath

प्रधानमंत्री नरेंद्र मोदी होर ऐतवारें गुजरात दी सोमनाथ थाह जाडन। सोमनाथ स्वाभिमान पर्व दे मौके पर सोमनाथ च पूरे बरे चलने आहले कार्यक्रमें दी योजना ऐ। इस बरे सोमनाथ मंदर पर होए दे पैहले हमले दे इक ज्हार बरे पूरे होआ'रदे ना। सोमनाथ च 8 थमां 11 जनवरी तगर केई सारे आध्यात्मिक ते सामाजिक कार्यक्रम आयोजित कीते जाडन।

<><><><><><>

BJP Somnath

भारती जनता पार्टी नै आखेआ ऐ जे मुल्ख दे पैहले राश्ट्रपति डॉ. राजेंद्र प्रसाद हुंदे समें च ऐतिहासिक सोमनाथ मंदर दे परतिए संवारे जाने दे मौके लैता गेदा संकल्प हुन प्रधानमंत्री नरेंद्र मोदी हुंदी अगुवाई च पूरा होआ'रदा ऐ। नमीं दिल्ली च पार्टी मुख्यालय च भाजपा प्रवक्ता डॉ. सुधांशु त्रिवेदी होरें आखेआ जे भारत दुनिया दी चौथी सभनें थमां बड्डी अर्थ बवस्था बनी गेआ ऐ ते खुशहाली दी बत्ता पर अग्रे बदा'रदा ऐ। उनें आखेआ जे डॉ. राजेंद्र प्रसाद होरें आखेआ हा जे सोमनाथ दी स्थापना उस दिन सेई मायने च पूरी होग जिसलै एहदी समृद्धि इक बारी फ्ही हमले थमां पैहले आहले स्तर पर पुज्जी जाहगा।

<><><><><><>

SC Bail Refused

सुप्रीम कोर्ट नै ब'रे 2020 आहले दिल्ली दंगें दी साजिश आहले मामले च उमर खालिद ते शरजील इमाम दी जमानत याचिका खारिज करी दित्ती ऐ। अदालतै आखेआ ऐ जे आरोपिएं खलाफ गैर कनूनी गतिविधिएं दी रोकथाम सरबन्धी अधिनियम यू.ए.पी.ए तैहत मामला बनदा ऐ। न्यामूर्ति अरविंद कुमार ते न्यामूर्ति एन.वी अजारी हुंदी पीठ नै इस मामले च 5 होर आरोपिएं गुल फिश फातिमा मीरान हैदर, शिफा उर रहमान सलीम खान ते खादाब अहमद गी जमानत देई दित्ती ऐ। सुप्रीत कोर्ट नै पिछले म्हीने सालिसीटर जनरल तुषार मेहता उप्पर सालिसीटर जनरल एस.वी राजू ते केई वरिष्ठ अधिवक्ता दियां दलीलां सुनने मगरा अपना फैसला सुरक्षित रक्खेआ हा। अदालतै आखेआ ऐ जे यू.ए.पी.ए तैहत नामंजूर करने दी वैद्यानिक सीमा खालिद ते इमाम पर लागू हुंदी ऐ। इस मामले च खालिद ते शरजील पर फरवरी 2020 च उत्तर पूर्वी दिल्ली च होए दे दंगें गी रचने दा आरोप ऐ। नागरिकता संशोधन अधिनियम ते राश्ट्री नागरिक रजिस्टर दे बरोध च होए दे दंगें दरान 53 लोक मारे गए हे।

<><><><><><>

DM KG Versal

समें सिर मिला करग। कृषि मंत्री होरें आखेआ जे रोजगार मिलने दे 15एं दिनें दे अंदर लाभार्थिं गी भुगतान नेई होने दी सूरतै च कनूनी कार्रवाई कीती जाहग। उंनें आखेआ जे ग्रामीण बुनियादी ढांचे गी मजबूत कीता जाहग तां जे करसानें गी लाहू थ्हांदा रवै।

<><><><><><>

UPNCC

उप राष्ट्रपति सी.पी राधा कृष्णन होरें आखेआ ऐ जे आपरेशन सिंदूर दरान राष्ट्री कैडेट कोर एनसीसी नै सराहनीय भूमिका निभाई ऐ। राधा कृष्णन होरें नमीं दिल्ली च आयोजित एनसीसी गणतंत्र दिवस परेड शिविर 2026 समारोह गी संबोधित करदे होई एह गल्ल आक्खी। आपरेशन सिंदूर दी सफलता पर उप राष्ट्रपति होरें आखेआ जे इस अभियान नै मुख्य दे राष्ट्री सम्मान, सम्प्रभुता ते लोकें दी राखी हिफाजत प्रति संल्प गी जाहिर कीता। उंनें आखेआ जे एनसीसी अपने आदर्श वाक्य एकता ते अनुशासन दे कन्नै लगातार जिम्मेदार ते देशभक्त नागरिकें दी पीढ़िं दा पोषण करदी रेई ऐ। उंनें आखेआ जे एनसीसी अपनी स्थापना थमां लेइयै हुनै तगर केई गुणा विकास करी चुकी दी ऐ। राधा कृष्णन होरें आखेआ जे एनसीसी पायलट सिखलाई अकादमी दी स्थापना थमां लेइयै साइबर ते ड्रोन टेकनालजी जनेह उभरदे क्षेत्रें आस्तै युवाएं गी तयार करा'रदी ऐ।

<><><><><><>

Ayush Recognition

केन्द्री बपार मंत्रालय नै आखेया ऐ जे भारत दी पारम्परिक इलाज पद्धति “आयुष” गी ओमान ते न्यूजीलैंड कन्नै दपक्खी बपार समझौते च औपचारिक तौरा पर मानता थ्होई गई ऐ। इनें दौनें मुखें कन्नै पिच्छले बरे दिसम्बर महीने बपार समझौतें गी मुकदा रुप दिता गया ऐ। एहदे तैहत सेहत सेवाएं ते पारम्परिक इलाज पद्धतियें ते दोआइयें दा प्रावधान कीता गया ऐ। पिच्छले बरे आयुष ते जडी बूटी उत्पादें दे निर्यात च 6 इशारिया 1-1 प्रतिशत दा बाद्दा दर्ज कीता गया ऐ। 2024-25 च 68 करोड़

88 लकख 90 ज्हार डॉलर मुल्ल दे आयुष उत्पादें दा निर्यात होआ ऐ- जिसलै जे 2023-24 च एह निर्यात 64 करोड़ 92 लकख डॉलर दर्ज कीता गया हा।

<><><><><><>

China US Action

चीन नै वेनेजुएला दे राष्ट्रपति निकोलस मादुरो खिलाफ अमरीका दी सैन्य कार्रवाई दी सख्त निंदेआ कीती ऐ। चीन नै इक तरफा कार्रवाई खिलाफ चेतावनी दिंदे होई आखेआ जे कुसै बी मुल्ल दा वैश्विक पुलसकर्मी या अंतरराष्ट्री न्याधीश दे तौर पर कम्म करना मंजूर नेई ऐ। चीन दे विदेश मंत्री वांग यी होरें आखेआ जे अस्थिर वैश्विक स्थिति एकतरफा कार्रवाई च बाद्दे गी दर्शादी ऐ। उनें आखेआ जे अंतरराष्ट्री कनून दे तैह्त्त राश्ट्री सम्प्रभुता दी राखी कीती जानी लोड्चदी।

<><><><><><>

Electronics Production

इलेक्ट्रानिक्स ते सूचना टेकनालजी सरबंधी मंत्री अश्विनी वैशणव होरें आखेआ ऐ जे पिछले 11 बरें च मुल्ल च इलेक्ट्रानिक उत्पादन 6 गुणा ते निर्यात 8 गुणा बदी गेआ ऐ। सोशल मीडिया दी इक पोस्ट च वैशणव होरें आखेआ जे एप्पल नै बरे 2025 च 50 अरब डालर मुल्ल दे मोबाइल फोन निर्यात कीते। उनें आखेआ जे इस प्रगति कन्नै इलेक्ट्रानिक्स उत्पाद शीर्ष त्रै निर्यात आहली चीजें च शामिल होई गेआ। वैशणव होरें आखेआ जे 4 सेमीकंडक्टर संयंत्रें च इस बरे वाणिज्यिक उत्पादन शुरू होई जाह्गा। उनें आखेआ जे इलेक्ट्रानिक्स विनिर्माण च इस्सलै 25 लकख रोजगार ऐ। इन्दे चा केई कारखानें च इक गै थाह पर 5 ज्हार थवां मते कर्मचारी कम्म करा'रदे न। वैशणव होरें आखेआ जे केई थाहें पर इक गै जगह 40 ज्हार कर्मचारी कम्म करा'रदे न।

<><><><><><>

Rice India

राई-बाई ते करसानें दे कल्याण सरबंधी मंत्री शिवराज सिंह चौहान होरें जानकारी दिती ऐ जे बरे 2025 च मूंजी दा उत्पादन 15 करोड इक लक्ख 80 हजार टन होई गेआ ऐ। जिसलै कि चीन च एह 14 करोड 52 लक्ख 80 हजार टन रेआ। चौहान होरें भारती कृषि अनुसंधान परिशद आसेआ विकसित बेहतर गुणवत्ता आहली 25 फसलें दी 184 नमीं किस्में दे उद्घाटन मौके पर आखेआ जे भारत नै चौलें दे उत्पादन आहले मामले च चीन गी पिच्छे छोड़ी दिता ऐ। श्री चौहान होरंम आखेआ जे भारत हुन विदेशी बाजारें च बी चौल दी आपूर्ति करा र दा ऐ।

<><><><><><>

CBI-Lalu

दिल्ली हाई कोर्ट नै राश्ट्री जनता दल नेता लालू प्रसाद यादव हुंदी याचिका पर केंद्री अन्वेषण ब्यूरो थमां जवाब मंगेआ ऐ। याचिका च लालू होरें कथित तौर पर आई.आर.सी.टी.सी घोटाले च अपने खिलाफ आरोपें गी चुनौती दिती ऐ। अदालतै सुनवाई पर रोक लाने थमां इंकार करी दिता ऐ। मामले दी अगली सुनवाई 14 फरवरी गी होग। पिछले बरे अक्तूबर च लालू प्रसाद यादव, पत्नी राबड़ी देवी, पुत्तर तेजस्वी यादव ते 11 होर दुए लोकें खिलाफ धोखाधड़ी, आपराधिक साजिश ते भ्रष्टाचार दे आरोप तय कीते गए हे।

<><><><><><>

Quba Military Killed

क्यूबा नै आखेआ ऐ जे वेनेजुएला च अमरीका दे फौजी अभियान दरान क्यूबा दे 32 फौजी ते पुलस अधिकारी मारे गे न। एह अधिकारी इक मिशन पर वेनेजुएला च मजूद हे। क्यूबा दी सरकारै इनें अधिकारिणं दे सम्मान च दऊं दिनें दे सोग दा ऐलान कीता ऐ। ध्यानजोग ऐ जे अमरीका नै वेनेजुएला दे राश्ट्रपति निकोलस मादुरो ते उं'दी घरै आहली गी नशीले पदार्थे कन्नै जुडे दे आतंकवाद दे आरोप च

गिरफ्तार करी लैता ऐ। अमरीकी राष्ट्रपति डॉनल्ड ट्रम्प होरें आखेआ ऐ जे उं'दे मुख गी इस अभियान च कोई नुकसान नेई होआ ऐ। उं'नें आखेआ ऐ जे इस अभियान दे दरान बरोधी पक्ख गी बड़ा भारी नुकसान होआ ऐ।

<><><><><><>

SC Pragati

जम्मू-कश्मीर दे मुख सचिव अटल डुल्लू होरें जम्मू-कश्मीर च बड़ी विकास परियोजनाएं गी रफ्तार देने च प्रगति प्लेटफार्म दे परिवर्तनकारी असर गी उजागर करदे होई अज्ज आखेआ जे एह मंच महत्वपूर्ण पैहलकदमियें गी समें सिर लागू करने ते लम्में चिर थमां पेश आवा'रदी दिक्कतें दा हल कहुना यकीनी बनाने लेई इक प्रभावी उपकरण बनी गेदा ऐ। इक संवाददाता सम्मेलन दरान जानकारी सांझी करदे होई मुख सचिव होरें pragati@50 दे महत्व गी उजागर कीता। ध्यानजोग ऐ जे किश दिन पैहले गै प्रधानमंत्री नरेंद्र मोदी हुंदे आसेआ प्रगति मंच दी 50मीं बैठक सही गेदी ही। अज्ज लोआए गेदे संवाददाता सम्मेलन दरान मुख सचिव होरें आखेआ जे तकनीकी आधारित इस शासन प्रणाली नै कई परियोजनाएं गी कामयाबी कन्नै परतियै शुरू करोआया ऐ जिंदा कम्म केई दाहकें थमां बक्ख-बक्ख मेहकमें दियें अइचने ते लम्मी प्रक्रियाएं कारण रूके दा ऐ। उधमपुर-श्रीनगर-बारामुला रेल लिंक परियोजना दा इक प्रमुख उदाहरण दिंदे होई उनें आखेआ जे इस परियोजना दी शुरूआत 1995 च होई ही पर तकरीबन 25एं ब'रें तगर इस परियोजनां च कोई खास प्रगति नेई होई सकी ही।

<><><><><><>